



## Publicaziuns dalla vischnaunca, jamna 40

### Lubientscha da baghegiar

L'istanza da baghegiar ha concediu suandonta lubientscha da baghegiar:

#### **Nr. 2022-3001.000**

Banca Raiffeisen Cadi, societad cooperativa, Via Cons 1, 7180 Disentis/Mustér; nova inscripziun vid la fatschada digl edifeci nr. 86, parcella 703, Via Cons 1, 7180 Disentis/Mustér.

*Uffeci da baghegiar Disentis/Mustér*

---

### Controlla da habitonts

#### **Naschientscha**

Leana Huonder, naschida ils 23 da settember 2022, feglia da Michaela ed Adrian Huonder.

#### **Mortori**

Clemens Tomaschett-Hildbrand, naschius ils 8 d'avrel 1954, morts ils 3 d'october 2022.

---

### Clom d'urgenza 118

Preziadas vischinas, preziai vischins

S'imaginei ch'ei brischa e negin vegn! Adina puspei caschunan fiugs gronds donns, gie mettan schizun en prighel la veta da persunas – savens perquei ch'ils pumpiers vegnan buca clamai ni memia tard. Biars tratgan: zatgi ha bein alarmau, mo adina puspei ei quei buc il cass, era tier nus el Grischun.

Perquei vala: Tier ina situaziun nua ch'ils pumpiers vegnan duvrai, ei da telefonar immediat al clom d'urgenza 118. Mo aschia eis ei garantiu ch'agid professional arriva il pli spert pusseivel sil plaz.

Engraziel per Vies sustegn!  
*Vos Pumpiers Sursassiala*

---

### Rimnada da pupi

#### **Venderdis, ils 7-10-2022**

Preziadas convischinas, preziai convischins.  
La rimnada da pupi d'october ha liug sco usitau.

**Adatg!** Ei vegn mo rimnau: gasettas, illustradas, catalogs, cudischs e prospects stampai. Il pupi sto vegnir deponius sper via (sche pusseivel in di avon). Igl ei impurtont da ligiar bein il pupi e da buca far memia gronds pacs. Engraziel. Nus rimnein buca cartun. Quel sa vegnir deponius a Raveras igl entir onn ora, e quei da **gliendisdis tochen venderdis (12.00–17.00) e sondas (10.00–12.00)** e buca duront la rimnada.

Bien engraziament per Vies agid e sustegn!  
*Nossa Scola populara Mustér, Ch. Berger*

---



## Colonna d'agid Mustér

### Cuors da reiver per affons

Gia dapi biars onns organischescha la Colonna d'agid Mustér mintga stad cuors da reiver per affons. Per dar era igl atun la pusseivladad da trenar da reiver, vegn organisau durant otg mesjarnas-sera in cuors da reiver per affons dallas annadas 2015 entochen 2010.

Liug: halla da reiver el Center da sport e cultura, Mustér

Entschatta: **mesjamna, ils 26-10-2022, entochen miez december 2022**, 17.30–19.00

Annadas 2015–2010

Menaders: commembers dalla Colonna d'agid Mustér cun brevet Juventetgna + sport

Annunzias: Entochen gliendisdis, ils 24-10-2022, alla Colonna d'agid Mustér, Otmar Venzin, 079 381 25 52

Segirada ei caussa da mintga participont/a.

*Colonna d'agid Mustér*

---

## Buorsa da brat da Panini

### Campionadi mundial da ballapei 2022 a Qatar

#### Rimnar – encurir – brattar!

Ti has taccaders da Panini dubel ed auters mauncan aunc a ti? Lu eis ti endretg tier nossa buorsa da brat!

**gievgia, ils 6-10-2022**, dallas 16.00–17.00

**mardis, ils 25-10-2022**, dallas 16.00–17.00

en la Biblioteca populara Disentis/Mustér e contuorn.

Nus selegrein sin bia rimnaders da Panini!

*Il team dalla biblioteca*

---

## Sera da troccas a Mustér

Nus lein puspei envidar ad ina sera da troccas per in e scadin. L'emprema sera ha liug **mardis, ils 4 d'october 2022** naven dallas 19.00 el hotel «La Furca». Era novizs che vulan emprender da dar troccas ein cordialmein beinvegni.

Cordialmein envidan

*Ils organisaturs dalla sera da troccas*

---